

docriver 文川网  
古籍书城  
入驻商家  
在文川网搜索古籍书城 获取更多电子书

中國方志叢書·華中地方·第三一七號

據 王樹人修，侯昌銘纂  
民國九年鉛印本

影印

湖 南 省

# 永定縣鄉土志

(全)

成文出版社有限公司印行

229  
11819  
517

5080



中華民國六十四年 月壹一版

# 永定縣鄉土志

全 冊

發行人：黃 成 助

出版者：成文出版社有限公司

台北市郵政信箱二二六〇五號  
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

湖 南 永 定  
縣 鄉 土 志

侯 曰 銘

勁 賢 王 育 灼 題

docsriver 文川网  
入驻商家 古籍书城

在文川网搜索古籍书城 获取更多电子书

中華民國九年庚申  
夏月排印於武陵集  
智印刷局

湖南永定縣鄉土志序

禹貢一書紀九州山水土物按圖可索而文辭簡古語焉不詳我

朝文教昌明典籍極博經 列聖著述纂修備載輿圖地志詳矣然猶孜孜焉於鄉

邑之志者何哉蓋自庚子之變教匪煽亂畿輔東西洋各國聯軍深入師徒撓敗

乘輿西幸長安此我中國君臣上下臥薪嘗胆發憤圖強之秋也已而和議告成

朝廷勵精圖治慨然興學將欲舉文事武備同歸一途胥天下人民而教之學以爲

自強根本而尤必端本於童蒙此鄉土志之所以作也乙巳秋 京師編書處檄天

下郡縣重修之爲初學課本永定葛爾邑界在黔楚自明以前爲羣蠻出沒之區設

衛屯兵聊固吾圉其時教化未開文獻無徵志乘故闕如也及至 本朝文德武功

被於遐邇諸士司獻土歸誠始於雍正十三年置縣而往哲搜遺訪舊補綴成編若  
邵鍾美楊顯德莊以寬王師麟熊國夏羅福海胡瑾懷諸人纂修縣志先後成書然  
詳略互異未可據爲典要亦時勢使然也樹人奉檄以來與縣人士昕夕討論分道  
採訪圖繪山川延邑紳中書舍人侯君昌銘纂其成舍人固績學士也迺發其篋笥  
出其舊聞援据古今滙萃人物八閱月而竣事始於沿革終於食貨凡六篇而於耆  
舊節烈山水土物尤兢兢焉每一篇出必篝燈披閱其記事也詳而明其論贊也約  
而精而於養正童蒙之意至深切矣爰付校對臚錄諸君子繕爲清本以俟編書處  
採擇焉

光緒三十二年丙午秋九永定縣知縣洪雅王樹人序

湖南永定鄉土志敘

永定自 國朝雍正十三年改衛設縣訖今光緒三十二年丙午得一百七十年所  
其時 朝廷懲前毖後變法維新改建學堂內自京師外逮各行省府廳州縣咸次  
第興學復以小學爲大學基礎令府廳州縣各撰鄉土志以爲課本永定例得編集  
方物偕計上獻其時官永定者爲四川洪雅王君樹人以進士知縣事渾厚精明才  
周於事治且五年政簡刑清民樂其教而新政所布猶日皇皇不暇給首立小學堂  
因書院舊規增其式廓稱其廩餼延選教習分科教課費劇而民不煩法立而士不  
擾蓋彬彬乎耳目一新矣會甲辰秋縣境蟲旱失收明年夏穀價奇昂石米至八千  
錢民無所得食王君復率紳耆籌賑濟之策平市價散倉儲諭富室輸助采買親赴



隣境督轉運汲汲如疾痛之切於肌膚如是者數月灾不爲害歲則大熟方事之殷於志未遑及乃屬縣人前內閣侍讀中書舍人侯昌銘充纂修而身總其成昌銘奉諱歸耕陳情養母學殖荒落遜謝不遑久之不獲辭乃取縣志册及四境所采訪者攷究山川源脉形勢成敗旁及古蹟名勝金石所留貽父老所傳述略得其要領歸而發篋陳書取志册中缺者補之誤者正之疑者闕之文事之傷於繁簡者損益而進退之違編書處原定例目依次編集分爲上下篇共一十二篇呈王君復審正之六閱月而書成初哉首基之矣夫治術隨學術爲隆污學術視心術爲邪正欲端學術必先正心術非徒飾文具已也今鄉土所志於本境之沿革兵事之利鈍政教文物之興替山水道里之所經物產財賄之所出據事直書因文見義不爲詭異恢奇

之談以亂童稚耳目凡以正其心術也竊獨怪今之學者以  
朝廷舍舊謀新參  
用秦西各法遂廢棄中學於經史義理所在曾未得其恍惚日悻悻然倡爲誠行  
邪說頌他人爲文明鄙先進爲老朽考其所學類與 朝章相違背而爲之師者無  
會通古今之學斟酌中西之才朝夕授受輒依違阿悅不能自伸其所學以定學者  
之志趨設進以鄉土之習見習聞其能不斥爲老朽而目爲頑固也乎不知秦西各  
法無事不沿襲中土其學者能讀中國十三經二十四史於地文天壤人官物曲較  
中人言之尤詳非竟廢書不讀徒空談爲名高也況 國家立法自有本末吾人入  
學亦有次第爲高者必因邱陵爲下者必因川澤故一家之學可以化一鄉一鄉之  
學可以化一邑天下者一鄉一邑之積也方志具體似微然幼而習之長而充之推

而行之放乎四海是在教者學者之善體 朝廷德意也同時採訪者貢生田昂龔

良璠秦德宏胡澤年生員田永立田運洋朱佩蘭陳元佐覃章森劉壽賢田鳳翔鄭

桂芬王正煦校對生員羅嗣翊張序炳繕寫生員王朝棠鄭湘蘭湯及柱田鑑章書

記 樊薪傳例得具書

充纂修前內閣協辦侍讀中書舍人乙酉科舉人邑南鄉木訥西里侯昌銘箴青甫

敘於退園

湖南永定縣鄉土志目錄

上篇

歷史第一

政績第二

兵事第三

耆舊第四

節烈第五

下篇

地理第六

人類第七

戸口第八

氏族第九

宗教第十

實業第十一

物産第十二

永定縣志卷之五

### 湖南永定縣鄉土志上篇

敍曰永定山縣也在洞庭西萇爾彈丸隨時代興除乘輅者每視爲甌脫焉然其地要質南荒界連蠻左邊方有事其側溢旁出者時取道於此而上曾世官乘中原變故未暇經營往往煽引峒夷割據自大前明設衛所立屯卒班軍以靖內訌設宣慰安撫各使司以捍外侮勢使然也逮我朝建元流寇餘孽逃遁山藪滇藩之變闢入窮荒不數年次第底定同我太平雍正朝土司納土歸命乃改衛設縣置官司焉惟恃有良司牧與二三賢父老布朝廷德威生聚教訓各奠厥居迄今二百餘年山谷愚民有數世不入官府數十世不見兵戈者固地之福僻實國澤所淪洽者至深遠也述鄉土志首歷史次政績次兵事次耆舊次節烈作爲上篇次地理次人

類次戶口氏族次宗教次實業物產作爲下篇

歷史第一

國朝雍正八年土司納土析九永兩衛地置安福縣隸澧州撥永定衛歸併永順府  
治十三年置永定縣仍隸澧州

本境舊爲永定衛控制容美桑植永順保靖諸土司領永定<sup>大</sup>及前後左右中六  
所其屯田散布澧州慈利石門桃源諸州縣軍民互雜輸將艱遠時土司納土  
安福已設縣至是湖廣督臣邁柱疏言前於湖南永定九谿二衛適中之地設  
安福縣治人民田賦各歸所屬惟二衛撥歸慈利永順二縣所征屯糧疆界不  
清民屯雜互官民多有未便永定衛四面環山一水四達人民聚居商賈輻輳

請於永定衛地添設一縣以原撥永順慈利所轄軍戶與慈利分出人民並現在改土歸流之茅岡司地計周圍八百餘里建一縣治設知縣以下各官名其縣曰永定部議從之

唐虞夏商屬荊州之域

周屬荆蠻春秋戰國屬楚黔中地

楚威王使將軍莊璠略巴蜀黔中以西張儀欲以武關外易黔中皆楚地也

秦屬黔中郡

秦取楚黔中爲郡仍楚地舊名始皇分天下爲三十六郡黔中其一郡也

漢高祖十二年分黔中爲武陵郡置充縣屬焉



漢志武陵郡領十三縣充縣爲本境地充縣注酉源山酉水所出歷山澧水所出皆屬充地考酉水三源中源在酉陽南源在松桃北源則在宣恩流入來鳳至秀山與中源會歷山在今桑植則充之西境上包永順施南旁至酉陽桑植東境以二尉巖爲界水經注言充尉與零陽尉爭界東標零陽西標充縣巖在今縣東五十里潭口與慈利分界充故城在本境西

三國吳置天門郡治充縣別置澧中縣屬焉

吳永安六年分武陵立天門郡充縣有松梁山山石開數十丈名曰天門孫休以爲祥乃立郡治充縣

晉移天門郡於澧陽改充縣爲臨澧仍置澧中縣

docsriver 文川网  
入驻商家 古籍书城

在文川网搜索古籍书城 获取更多电子书

太康四年徙郡治潁陽改充爲臨潁水經注潁水逕臨潁零陽二縣故界充縣廢省臨潁卽其地縣卽充故治其時有臨潁卽無充晉志猶並列之誤矣潁中故治在今慈利三官寺本境西北地屬之

宋仍臨潁潁中屬天門郡

齊梁省臨潁潁中置北衡州

陳仍置衡州

隋書後周置衡州舊志言周建德四年廢潁中臨潁置北衡州罷充縣置崇義縣考周明帝二年略武陵等郡次年仍降於陳衡州之置或出後梁梁原附周故隋書以周置言然旋卽失之江南之地皆爲陳有屬周者誤

隋屬澧陽郡改衡州爲崇義縣

開皇中廢衡州置崇義縣十八年改曰崇州大業初廢仍崇義縣屬澧陽郡舊志

屬周誤

崇義

唐仍義崇縣別置充州已併省入慈利縣屬澧州

武德中置充州在崇義縣東北屬沅州麟德元年併省入慈利屬澧州初爲江南西道後改屬山南道荆南節度領之

五代慈利屬澧州

楚馬殷周行逢先後割據盡有其地

宋仍慈利屬澧州荆湖北路府置安撫司

元改慈利縣爲州屬澧州路

元貞元年升爲慈利州又置柿溪州及安定州或謂安定卽永定本境以西屬焉  
尋廢仍爲縣

明改爲永定衛屬湖廣都司

洪武二年降慈利州爲縣置羊山衛九年置大庸衛後改爲所二十一年平夏得  
忠立永定衛二十三年徙芋岸平名大庸衛建文初仍名永定衛別置守禦大庸  
千戶所正統中置茅岡安撫司舊志明初廢慈利州爲大庸縣大庸旋改爲衛仍  
置慈利縣今依明史正之

贊曰秦黔漢充荆楚外籬有道先服無道則攜羣陰穴據烜以赫曦歸我王化復見

官儀玉屏金藏山水雄奇千年古國還返皞熙

政績第二

永定自漢設官置縣或守或牧或令或衛所武則游擊都司以下將領時有損益國朝既設縣復設營兵民共治轄輻員數百里多石而少人無大利大害關係國家治忽故守斯土者無奔走供億之勞載其清靜不生事以擾民可臥而治也然五姓雜染俗習日偷訟獄之繁幾於赤緊司牧者必於此兢兢焉前代各官見於史志者互錄於他郡縣代不多人無實政可紀茲斷自前明訖今文武官實有功德於民者錄之他不濫廁焉

明職官

黃常洪武二年以常德衛指揮使署羊山衛事衛在羊峯萬山中楊璟征覃屋曾屯

軍於此編柵爲城簡兵戍守運餉苦險遠太祖召常至南都問方略常奏對明切帝從其請徙衛城於庸水之陽初名大庸後改永定常相度地勢甃磚壘石爲城建官寺設倉庫皆躬親擘畫後有指揮使張勝周輔吉世英丁貴朱武昌前後續修告成屹然重鎮至今賴之

新增見老衛志

武才宿州人大庸所千戶愛養士卒治屯課農於武溪口建城小而堅固扼山水要衝諸蠻畏服不敢犯討安福叛酋唐大孫夏得忠爲先鋒軍熟習各隘寨指授方略所向有功

樊華襄陽人正統間守備剛正有才略衛境初闢寂無弦誦華延禮士大夫設鄉塾

招致儒士兩衛始彬彬多文學

樊華一作樊煜



吳綬集縣人襲父真職爲指揮以廉能擢守備繕防練卒息民惠商人以爲樊華後稱勤職者必首推綬

劉寵字天錫東平人正德中以岳州通判移督九永邊糧時庶務草創寵幹事縝密立日署倉厫雖條縷圭撮必諮必詳不自雄獨智事成而兵民不擾

封傑綬德州人邊通判樸厚務實政歲荒賑活饑民無算又治獄永順平反民冤

以故邊人信服原姓郭後復姓致仕遂家於澧以壽終

封傑一作青德

李有朋字樂吾東陽人萬歷中通判才猷通敏精核糧儲無濫冒苛索之弊喜爲詩遇佳山水必題咏同時有夏子雲亦負詩名嗜酒坦易御下獨嚴人亦愛而畏之涪州人

馬呈文衛守備城南北門及小東門地扼衝要歲久樓傾呈文於萬歷四年率先倡修不費官財民樂赴功數月卒事

邵鍾美武昌人萬歷時衛學訓導博雅多才造士有法術舊無志通判全有朋屬鍾美修之草創成書後之徵文獻者咸取材焉

吉天相字修符崇禎時掌印守備時軍籍不實糧餉空虛天相日討訓士卒請餉如額按期給發一軍皆懽兵民立碑頌之

### 國朝職官

李時培字桂五宣化府武進士順治五年通判時明季潰將逃兵方竄伏九永山中守備周運熙率兵堵禦始克衛所權理衛事衛屬屯田久蕪荆棘寒途時培始至依


廢寺繼賃民居招徠流亡履畝開墾於遭襄陽街建署立市還定安集不時赴衛城  
調和營伍綏輯司峒清釐戶口錢糧以給軍儲旋升直隸沼河口都司

黃呂徐州武進士康熙七年守備安靜不擾首修學宮以振文教設積穀大貸小選  
嚴別出入後數歲大荒民恃以無害

潘義字宜公陝西華州進士康熙二十四年守備始下車勤訪山川圖籍念方志殘  
缺自訂體例屬衛知縣楊顯德修補成書別建會館延儒士講學蠲除雜徭與民更

始新增見老衛志

包成山西太行人康熙二十四年永定營游擊嚴明有智略勤於訓練輯盜安良成  
不識字一切文書令吏口誦而耳學之指授機宜洞中奧竅



周天相陝西綏德州人雍正七年游擊時辰州土酋太保襲大勳糾黨劫人勒贖天相單騎往擒之南關外居民被盜遣兵沿街曉諭限三日賊贓務獲度賊必夜遁潛布兵要路親往捕獲三年盜賊斂跡夜戶不扃其卒也軍民念之

張大成寧夏人管屯守備雍正七年大旱時大成兼署九谿衛事單騎滅從星馳勘察詳請蠲賑剔除徭役兩衛人得更生勒碑頌功德焉後有史成字薦章亦寧夏人雍正中協鎮輯和兵民繕葺城堡修營署及城隍神廟衛河多險灘疏鑿數處舟行便之子載賢後官提督巡邊至營署題永思字以識遺愛

李瑾字懷甫雲南人前巡撫發甲孫也雍正八年衛地歸併永順明年徵餉來永凡民所不便及所願欲而不得者皆罷行之善形家術嘗登城北子午臺以地爲一縣

主山南爲天門凌壓主客不稱召縣人陳維芳李斗山令建閣其上與天門埒因改名福德山且日閣成不十年永當自爲縣人文由此丕振後四年果改縣方閣成時有仙鹿繞閣一市而去瑾曰此文明之象也歌鹿鳴來矣後果然新增

武文郁字鄙南柏鄉舉人乾隆元年知縣時方改衛爲縣新政如麻履任後首勘合疆域釐正田糧創公署新學宮次及城池塘汎祠廟壇壝半因革前制次第推行軍民稱便會修一統志檄各縣徵圖書屬縣人莊以寬修縣志上之一縣規模初哉始基之矣入祀名宦祠新增

馬燧浙江上虞人十八年任縣事慈厚多惠政精堪輿學喜培植文風縣東山低弱不起相其陰陽特建崇文塔立東嶽宮以延休氣後多徵驗長灣馬宗嶺山路崎嶇

修石道設茶亭以便行旅立馬公亭祀漢伏波將軍縣以燧配之後塑像於東獄宮後有左榮光貴定人廉潔愛民糴米救荒民食其惠立像燧左側稱雙美焉

郭六宰字徽典河南信陽州進士二十七年任縣事經兵燹後士失其業以節孝故祠爲義學六宰時入鄉塾見諸生句讀音義多訛謬爲文僮俗無師法慨然曰小邑之士無見聞父兄之教子弟皆無必爲學問之實意一二秀杰資穎豔發而淵源脈絡無所指陳以至抑鬱久湮而不克自振則欲移風易俗非統而歸之學擇明師漸摩而輔導之其道無由遂捐金擇地於文廟左下普光寺西建書院南面玉屏諸峯古號崧梁山因名崧梁書院復取別廟租田以租入充學餼縣人始蒸蒸向學六宰兩綰縣符有才學果於任事工六書書院各題署多出其手至今人愛護之繼六宰

docsriver 文川网  
入驻商家 古籍书城

在文川网搜索古籍书城 获取更多电子书

後者得二人皆乾隆時任朱光訓樂平人改建文廟振興學校趙嘉程漢軍旗人有  
濟操善聽斷治盜尤嚴人呼爲趙青天亦一時之良也新增

陳聖清字匯江常寧縣人四十七年訓導敦品務實在任十二年以作育人材爲己  
任嘗自序其文曰文無古今要期於聖賢義蘊有所發明體之於身心以發抒爲文  
卽緣文以求吾身心之所副而實學出焉縣人執贄受業者學舍至不能容一時能  
文之士多出其門從祀名宦祠

李清英字恥慈安溪人文貞公光地孫也嘉慶六年由舉人官知縣安靜廉慈不諂  
事上官遂於理學署三樂堂於書院與諸生論習必舉先文貞事慰勉同時有陳煥  
萬希宗煥臨川人建寅賓館補修南城樓喜與縣人士論詩文希宗字可亭黃岡人



恤士愛民從祀東嶽宮馬燧後新增

許紹宗字蓮舫陝西咸甯人以翰林庶吉士改知縣時年甫冠始蒞事尙童戲畏人其夫人督之吏役咸匿笑紹宗立升堂取匿笑者笞之嚴繩以條教左右悚息無聲聽斷民訟剖決如流一縣訟神明焉縣學赴院試者每徵調先期寒士苦不給紹宗請緩之如期而試校生童文藝棄取精審士風爲之不變東門外多暴骸立白骨塔收瘞之後調武陵惠政尤多稱循吏焉

魯起元字魯齋上元人縣舊無考棚每縣試自備几案紛如市集前縣李清英擇地城東籌修未果起元至請於大府諭紳耆按畝糧捐資鳩工庀材功將竣他遷猶郵寄百餘金督修造觀成爲文記之士林誦美焉起元聽訟明決有兩姓爭田產各執